


"E lesnan di Casi Bari" e buki nobo di dr. Van Lis



Dr. Koos van Lis entregando un buki na Sra. Astrid Britten Directora di Biblioteca Nacional.



ORANJESTAD (AAN) - Dia 16 di januari ultimo dr. Koos van Lis a presenta su buki nobo na Biblioteca Nacional.

E titulo di e buki ta "Hoe leer ik communiceren met de spirituele wereld". Alavez e escritor a haci uso di e figuranan di e piedranan di Casi Bari pa ilustra su teoria. Pa tal motibo e buki aki ta carga como subtitulo "De lessen van Casi Bari". Un publico basta grandi a atende e presentacion. Den un ambiente anima e escritor a splica pa medio di Power Point diferente foto cu ta den su buki.

Den e programa e conocido sra. Carmen Herrera a conta den forma humoristico e situacion di e piedranan di Casi Bari y a recita e bunita poesia "El arbol y yo".

Na final e publico a hanja oportunidad pa haci pregunta y for di aki a surgi un discusion interesante tocante diferente manera di sinti

energia den cas. Tin persona ta wordo reanima dor di cierto energia y tin persona cu al contrario ta sinti nan malo y no kier keda den tal ambiente.

Den e buki aki ta wordo skirbi con pa yega na comunica cu e ser spiritual cu ta den matanan di naturaleza. E sernan spiritual aki ta wordo yama elementalnan.

Den e buki tin mas di 50 muestra di reglanan pa mantene pa por yega na comunica exitosamente cu e sernan spiritual di matanan di naturaleza.

E buki aki a wordo financia door di UNOCA y ta na benta na oficina di UNOCA cu ta keda banda di Cas di Cultura na Vondellaan 2, Oranjestad.